

"মিষ্টি বাচ্চারা :- এই সৃষ্টি বা দুনিয়া হলো দুঃখের, তাই এর প্রতি নষ্টমোহা হও, নতুন দুনিয়াকে স্মরণ করো, এই দুনিয়ার থেকে বুদ্ধির যোগ দূর করে নতুন দুনিয়ার প্রতি বুদ্ধির যোগ লাগাও"

প্রশ্ন :- কৃষ্ণপুরীতে যাওয়ার জন্য তোমরা বাচ্চারা কী ধরনের প্রস্তুতি করো বা করাও ?

উত্তর :- কৃষ্ণপুরীতে যাওয়ার জন্য এই অন্তিম জন্মে কেবল সমস্ত বিকার ছেড়ে পবিত্র হতে হবে এবং অন্যকেও বানাতে হবে। পবিত্র হওয়াই হলো দুঃখধাম থেকে সুখধামে যাওয়ার জন্য তৈরী হওয়া। তোমরা সবাইকে এই সন্দেশ দাও যে এই দুনিয়া হলো নোংরা দুনিয়া, এর থেকে বুদ্ধির যোগ দূর করো তাহলেই সত্যযুগী দুনিয়ায় যেতে পারবে।

গীত :- আমাকে আশ্রয় দেন যিনি .....

ওম শান্তি। এই গানে বাচ্চারা বলে "বাবা।" বাচ্চাদের বুদ্ধি চলে যায় বেহদের বাবার দিকে। যে বাচ্চারা এখন সুখের সন্ধান পেয়েছে বা সুখধামের পথের সন্ধান পেয়েছে। তারা বুঝতে পারে যে বরাবরের মতো বাবা ২১ জন্মের স্বর্গের সুখের সন্ধান দিতে এসেছেন। এই সুখের প্রাপ্তির জন্য বাবা স্বয়ং এসে শিক্ষা দিচ্ছেন। তিনি বোঝাচ্ছেন, এই যে দুনিয়া অর্থাৎ এত যে মানুষ এরা কিছুই দিতে পারে না। এ সমস্তই তো রচনা। নিজেদের মধ্যে সকলেই ভাই - বোন। তাহলে রচনা একে অন্যজনকে কিভাবে সুখের বর্সা দিতে পারে। সুখের বর্সা একমাত্র রচয়িতা বাবাই দিতে পারেন। এই দুনিয়ায় এমন কোনো মানুষই নেই যে অন্য কাউকে সুখ দিতে পারে। সুখদাতা, সন্নতিদাতা হলেনই এক সতগুরু। এখন কিসের সুখ চায়? এ তো সবাই ভুলে গেছে যে স্বর্গে অনেক সুখ ছিলো আর এখন এই নরকে দুঃখ। তাহলে অবশ্যই সমস্ত বাচ্চাদের উপর মালিকের দয়া হয়। অনেকেই আছে যারা সৃষ্টির মালিককে মানে। কিন্তু তিনি কে, তাঁর থেকে কি প্রাপ্তি হয় তা কিছুই জানে না। এমন তো নয় যে মালিকের থেকে আমরা দুঃখ পেয়েছি। তাঁকে সুখ - শান্তির কারণেই স্মরণ করা হয়। ভক্ত ভগবানকে অবশ্যই কোনো প্রাপ্তির জন্য স্মরণ করে। মানুষ দুঃখী তাই সুখ - শান্তির জন্য ভগবানকে স্মরণ করে। বেহদের সুখদাতা হলেন একজনই, বাকি হদের অল্পকালের সুখ তো একজন অন্যজনকে দিয়েই থাকে। সে কোনো বড় কথা নয়। সকল ভক্তই এক ভগবানকে ডাকে, অবশ্যই ভগবান সবার থেকে বড়, তাঁর মহিমাও অনেক বড়। তো অবশ্যই তিনি অনেক সুখদানকারীই হবেন। বাবা কখনোই বাচ্চাদের বা এই দুনিয়াকে দুঃখ দেন না। বাবা বলেন, তোমরা বিচার করে দেখো, আমি যে সৃষ্টি বা এই দুনিয়ার রচনা করি তা কি দুঃখ দেওয়ার জন্য? আমি তো সুখ দেওয়ার জন্যই এই সৃষ্টির রচনা করি। কিন্তু নাটকই যে সুখ দুঃখের তৈরী হয়ে আছে। মানুষ কতো দুঃখী। বাবা বোঝান যে, যখন নতুন দুনিয়া বা নতুন সৃষ্টি ছিলো, সেখানে কেবল সুখই ছিলো। দুঃখ থাকে সৃষ্টি পুরানো হলে। সমস্তকিছুই পুরানো জর্জরিভূত হয়ে যায়। প্রথমে আমি যে সৃষ্টি রচনা করি তাকে সতোপ্রধান সৃষ্টি বলা হয়। সেইসময় সমস্ত মানুষ কতো সুখী থাকে। এখন সেই ধর্ম প্রায় লোপ হওয়ার কারণে কারোর বুদ্ধিতে তা আর নেই।

তোমরা বাচ্চারা জানো, নতুন দুনিয়া হলো সত্যযুগ। এখন যখন তা পুরানো হয়ে গেছে তখন আশা রাখো, বাবা এসে অবশ্যই নতুন দুনিয়া বানাবেন। প্রথমে নতুন সৃষ্টি, নতুন দুনিয়ায় অনেক অল্প

মানুষ ছিলো, আর তারা খুব সুখী ছিলো, যেই সুখের কোনো সীমা ছিলো না। নামই বলা হয় স্বর্গ, বৈকুণ্ঠ, নতুন দুনিয়া। তাহলে অবশ্যই সেখানে নতুন মানুষ থাকবে। তাহলে অবশ্যই সেই দেবী - দেবতার রাজধানী আমিই স্থাপন করেছি। নাহলে এই কলিযুগে তো একজনও রাজা নেই, সকলেই কাঙ্গাল। তাহলে সেই সত্যযুগে দেবী - দেবতার রাজ্য কোথা থেকে এলো? এই দুনিয়ার কিভাবে পরিবর্তন হলো? কিন্তু সকলের বুদ্ধি এমন ভারী হয়ে গেছে যে কিছুই বুঝতে পারে না। বাবা এসে বাচ্চাদের বুঝিয়ে বলেন। মানুষ ভগবানকেই দোষ দেয় যে, তিনিই সুখ - দুঃখ দেন, কিন্তু ঈশ্বরকে তো এই কারণেই স্মরণ করা হয় যে, তুমি এসে আমাদের সুখ শান্তি দাও। আমাদের মিষ্টি ঘরে ফিরিয়ে নিয়ে চলো। তারপর এই অভিনয়ে তো অবশ্যই তিনি পাঠাবেন। কলিযুগের পরে অবশ্যই সত্যযুগ আসতে হবে। মানুষ তো রাবণের মতে চলছে। শ্রেষ্ঠ মতই হলো শ্রীমত। বাবা বলেন, আমিই সহজ রাজযোগ শেখাই। আমি কোনো গীতার শ্লোক আদি গাই না যা তোমরা গেয়ে থাকো। বাবা কি বসে গীতা শেখাবেন? আমি তো সহজ রাজযোগ শেখাই। স্কুলে কি গান, কবিতা শোনানো হয়? স্কুলে তো পড়ানো হয়। বাবা বলেন, বাচ্চারা আমিও তোমাদের পড়াচ্ছি, রাজযোগ শেখাচ্ছি। আমার সাথে আর কারোরই কোনো যোগ নেই। সবাই আমাকে ভুলে গেছে। এই ভুলে যাওয়াও এই নাটকেই লিপিবদ্ধ আছে। আমি এসেই আবার স্মরণ করিয়ে দিই। আমি তো তোমাদের বাবা। তোমরা ইনকর্পরিয়াল গডকে মানো তাহলে তোমরাও তাঁর ইনকর্পরিয়াল বাচ্চা। নিরাকার আত্মারা, তোমরা এখানে আসো অভিনয় করতে। সমস্ত নিরাকার আত্মার নিবাস স্থান হলো নিরাকারী দুনিয়া, যা উঁচুর থেকেও অনেক উঁচু। এ হলো সাকারী দুনিয়া, তারপর আকারী দুনিয়া আর ও হলো নিরাকারী দুনিয়া যা সবথেকে উঁচু আর সবার থেকে দূরে। বাবা সামনে বসে বাচ্চাদের বোঝান, আমরাও সেখানকার অধিবাসী। যখন নতুন দুনিয়া ছিল, তখন ছিলো এক ধর্ম, যাকে হেভেন বলা হয়। বাবাকেও বলা হয় হেভেনলী গড ফাদার। এই কলিযুগ হলো কংসপুরী। আর সত্যযুগ হলো কৃষ্ণপুরী। তাই জিজ্ঞেস করা উচিত, এখন তোমরা কৃষ্ণপুরী যাবে? যদি তোমরা কৃষ্ণপুরী যেতে চাও তাহলে পবিত্র হও। আমরা যেমন দুঃখধাম থেকে সুখধামে যাবার জন্য তৈরী হচ্ছি, তোমরাও তেমন করো। এরজন্য বিকার অবশ্যই ত্যাগ করার প্রয়োজন। এ হলো সকলের অন্তিম জন্ম। সকলকেই ফিরে যেতে হবে। তোমরা কি ভুলে গেছো - ৫০০০ বছর আগে এই মহাভারী লড়াই তো হয়েছিলো। যাতে সমস্ত ধর্মের বিনাশ হয়ে গিয়েছিলো আর এক ধর্মের স্থাপনা হয়েছিলো। সত্যযুগে তো দেবী - দেবতারাই ছিলো। এখন কলিযুগে তা আর নেই। এখন তো রাবণ রাজ্য। আসুরী মনুষ্য। তাদের আবার দেবতা বানাতে হবে। তারজন্য আসুরী দুনিয়াতে আসতে হবে নাকি দৈবী দুনিয়ায়? নাকি দুই দুনিয়ার সঙ্গমের সময় আসবেন? গায়নও আছে কল্পে - কল্পে, কল্পের সঙ্গম যুগেই তিনি আসেন। বাবা আমাদের এমনভাবে বোঝান যে আমরা তাঁর শ্রীমতে চলি। আগের কল্পেও মহাভারী লড়াই লেগেছিলো, যার দ্বারা স্বর্গের দ্বার খুলে গিয়েছিলো। কিন্তু শুধুমাত্র দেবী - দেবতার ছাড়া আর সকলে তো সেখানে যেতে পারে নি। বাকি সকলেই শান্তিধামে ছিলো। তাই আমি এখন নির্বাণধামের মালিক এসেছি সবাইকে নির্বাণধামে নিয়ে যেতে। তোমরা রাবণের শিকলে আটকে থাকা বিকারী নোংরা আসুরী গুণ সম্পন্ন। কাম হলো এক নম্বর আবর্জনা। এরপর ক্রোধ, লোভ নম্বর অনুসারে আবর্জনা। তাই সারা দুনিয়ার থেকে নষ্টমোহা হতে হবে, তবেই তো স্বর্গে যেতে পারবে। বাবা যেমন হদের বাড়ি বানাতে বাচ্চাদের বুদ্ধি তাতে লেগে যায়। বাচ্চারা বলে, বাবা এতে এই বানাতে হবে, সুন্দর বাড়ি বানাতে হবে। তেমনই বেহদের বাবা বলেন, আমি তোমাদের জন্য নতুন দুনিয়া স্বর্গ কেমন সুন্দর বানাই। তাই তোমাদের বুদ্ধিযোগ পুরানো দুনিয়ার থেকে দূর হওয়া উচিত। এখানে কি আর আছে? দেহও পুরানো, আত্মাতেও খাদ জমা হয়ে আছে। সেই খাদ তখনই দূর হবে যখন

তোমরা যোগে থাকতে পারবে । জ্ঞানও ধারণ হবে । এই বাবা তো এখন ভাষণ করছেন । হে বাচ্চারা, তোমরা সকল আত্মারা আমার রচনা । আত্মার স্বরূপে তোমরা হলে ভাই - ভাই । এখন তোমাদের সকলকেই আমার কাছে ফিরে যেতে হবে । এখন তোমরা সবাই তমোপ্রধান হয়ে গেছো । এ তো রাবণ রাজ্য । তোমরা আগে জানতে না যে, এই রাবণ রাজ্য কবে থেকে আরম্ভ হয় । সত্যযুগে থাকে ১৬ কলা, তারপর ১৪ কলা হয় । হঠাৎ করে দুই কলা কম হয় না । ধীরে ধীরে নামতে থাকে । এখন তো কোনো কলাই আর নেই । সম্পূর্ণ গ্রহণ লেগে গেছে । এখন বাবা বলেন যে দান করে দাও তাহলেই গ্রহণ কেটে যাবে । পাঁচ বিকারের দান তোমরা করে দাও আর কোনো পাপ করো না । ভারতবাসী যখন রাবণকে জ্বালায় তাহলে অবশ্যই এ রাবণের রাজ্য । কিন্তু রাবণ রাজ্য কাকে বলা হয় বা রামরাজ্য কাকে বলা হয়, এও কেউ জানে না । মানুষ বলে, রামরাজ্য হোক, নতুন ভারত হোক, কিন্তু একজনও জানে না যে, নতুন দুনিয়া, নতুন ভারত কবে হবে ? সকলেই এখন কবরে শায়িত ।

এখন তোমরা বাচ্চারা তো সত্যযুগী ঝাড়কে দেখতে পাচ্ছ । এখানে তো কোনো দেবতাই নেই । এইসব কথা বাবা এসেই বোঝান । তিনিই তোমাদের মাতা পিতা, স্থূল রূপে এনারা তোমার মাতা - পিতা । তোমরা মাতা - পিতা হিসাবে তাঁর গায়ন করে থাকো । সত্যযুগে এমন গায়ন তো করবে না । সেখানে না কৃপার কথা আছে, না মাতা - পিতা হয়ে তাঁদের সমান উপযুক্ত হতে হয় । বাবা মনে করিয়ে দেন, হে ভারতবাসী, তোমরা ভুলে গেছো, তোমরা দেবতার কতো ধনবান ছিলে, কতো বুঝদার ছিলে । এখন অবুঝ হয়ে দেউলিয়া হয়ে গেছো । তোমাদের এমন অবুঝ মায়া রাবণ বানিয়েছে, তাই তো তোমরা মায়া রাবণকে জ্বালাও । শত্রুর কুশপুতলিকা বানিয়ে তাকে দাহ করা হয় যেমন । তোমরা বাচ্চারা কতো জ্ঞান পেয়েছো । কিন্তু তোমরা বিচার সাগর মন্তন করো না, ফলে বুদ্ধি বিভ্রান্ত হয় আর ভাষণের সময় এমন সব পয়েন্টস শোনাতে ভুলে যাও । সম্পূর্ণ বোঝাতে পারো না । তোমাদের তো বাবার পরিচয় দিতে হবে যে বাবা এসেছেন । এই মহাভারী লড়াইও সামনে উপস্থিত । সবাইকে ফেরত যেতে হবে । এখন স্বর্গ স্থাপন হচ্ছে । বাবা বলেন, দেহ সহিত দেহের সর্ব সম্বন্ধকে ভুলে একমাত্র আমাকে স্মরণ করো । বাকি কেবল এই বললেই হবে না যে, ইসলামী, বৌদ্ধ আদি সব ভাই - ভাই । এ তো সব দেহের ধর্মই হলো । সমস্ত ধর্মের সমস্ত আত্মাই হলো বাবার সন্তান । বাবা বলেন, এইসব দেহের ধর্ম ছেড়ে একমাত্র আমাকে স্মরণ করো । বাবার এই খবর শোনানোর জন্যই আমরা শিব জয়ন্তী পালন করি । আমরা ব্রহ্মাকুমার - কুমারীরা হলাম শিবের পৌত্র । আমরা তাঁর কাছ থেকে স্বর্গের রাজধানীর আশীর্বাদী বর্ষা পাচ্ছি । বাবা আমাদের নির্দেশ দেন যে, মনমনাভব অর্থাৎ আমাকে স্মরণ করো । এই যোগ অগ্নির দ্বারাই তোমাদের বিকর্ম বিনাশ হবে । তোমরা অশরীরি হও । আচ্ছা ।

মিষ্টি - মিষ্টি হারানিধি বাচ্চাদের প্রতি মাতা - পিতা, বাপদাদার স্মরণ - ভালোবাসা এবং সুপ্রভাত । রুহানী বাবার রুহানী বাচ্চাদের নমস্কার ।

রাত্রি ক্লাস :

এখন তোমরা বাচ্চারা স্থূল বতন, সূক্ষ্ম বতন এবং মূলবতনকে খুব ভালোভাবে বুঝে গেছো । কেবল তোমরা ব্রাহ্মণরাই এই জ্ঞান পাও । দেবতাদের তো এই জ্ঞানের দরকারই নেই । তোমাদের এখন সম্পূর্ণ বিশ্বের জ্ঞান আছে । তোমরা আগে শূদ্র বর্ণের ছিলে । এরপর ব্রহ্মাকুমার যখন হলে তখন

আমি এই জ্ঞান দিই যার দ্বারা তোমাদের দৈবী সাম্রাজ্য স্থাপন হচ্ছে। বাবা এসেই ব্রাহ্মণ কুল, সূর্যবংশী, চন্দ্রবংশী সাম্রাজ্য স্থাপন করেন। তাও তিনি এই সঙ্গমেই স্থাপন করেন। অন্য ধর্মের লোকেরা ফট করে সাম্রাজ্য স্থাপন করে না। তাঁদের গুরু বলা হয় না। বাবা এসেই ধর্মের স্থাপনা করেন। বাবা বলেন, এখন তোমাদের মাথায় বাবার স্মরণের খুশী আছে যা আবার মুহূর্তে মুহূর্তে ভুলেও যাও। পুরুষার্থ করে কাজ কারবার করার সঙ্গে সঙ্গে বাবাকেও স্মরণ করতে থাকো হেলদি হওয়ার জন্য। বাবা খুব তীব্র গতিতে কামাই করান, এতে সবকিছুই ভুলতে হয়। আমি আত্মা এই শরীর ছেড়ে চলে যাচ্ছি, এই অভ্যাস করানো হয়। তোমরা যখন খাও, তখন কি বাবার স্মরণ করতে পারো না? কাপড় সেলাই করো কিন্তু বুদ্ধির যোগ যেন বাবার স্মরণে থাকে। আবর্জনা তো বের করতেই হবে। বাবা বলেন, শরীর নির্বাহের জন্য যে কোনো কাজই করো। এ খুবই সহজ। তোমরা বুঝে গেছো যে এখন ৮৪ র চক্র সম্পূর্ণ হয়েছে। এখন বাবা রাজযোগ শেখাতে এসেছেন। এই পৃথিবীর হিস্ট্রি - জিওগ্রাফী এখন রিপিট হয়। আগের কল্পের মতোই তা রিপিট হচ্ছে। এই রিপিটেশনের রহস্যও বাবাই বুঝিয়ে বলেন। একজন ভগবান আর এক ধর্ম বলা হয় না। সেখানেও শান্তি বিরাজ করবে। সে হলো অদ্বৈত রাজ্য আর দ্বৈতের অর্থ আসুরী রাবণ রাজ্য। ওরা হলো দেবতা আর এরা দৈত্য। এই আসুরী রাজ্য আর দৈব রাজ্যের খেলা ভারতের উপরেই বানানো হয়েছে। ভারতেরই ছিলো আদি সনাতন ধর্ম, পবিত্র প্রবৃত্তি মার্গ। আবার বাবা এসেই সেই পবিত্র প্রবৃত্তি মার্গ বানান। আমরাই একদিন দেবতা ছিলাম তারপর কলা কম হয়ে গেছে। আমরাই আবার শূদ্র সাম্রাজ্যে এসেছি। বাবা এমনভাবে পড়ান যেভাবে কোনো শিক্ষক পড়ায় আর ছাত্ররা তা শোনে। ভালো ছাত্ররা সম্পূর্ণ মনোযোগ দেয়, কখনোই পড়া মিস্ করে না। এই পড়া রেগুলার পড়া চাই। এমন ঈশ্বরীয় বিশ্ববিদ্যালয়ে অনুপস্থিত থাকা উচিত নয়। বাবা অনেক গোপন থেকে গোপন কথা তোমাদের শোনাতে থাকেন। অচ্ছা। শুভরাত্রি। রুহানী বাচ্চাদের নমস্কার।

ধারণার জন্য মুখ্য সার :-

১) দেহের সমস্ত ধর্ম ত্যাগ করে নিজেকে অশরীরি আত্মা মনে করে এক বাবাকে স্মরণ করতে হবে। যোগ আর জ্ঞানের ধারণায় আত্মাকে পবিত্র করতে হবে।

২) বাবা যে জ্ঞান দেন, তার উপর বিচার সাগর মন্থন করে, সবাইকে বাবার পরিচয় দিতে হবে। বুদ্ধিকে বিভ্রান্ত হতে দেওয়া যাবে না।

বরদান :- মর্যাদা পুরুষোত্তম হয়ে উড়তি কলায় উড়তে থাকা এক নম্বর বিজয়ী হও

এক নম্বর হওয়ার নিদর্শন হলো সমস্ত বিষয়ে জয়লাভ করা। কোনো বিষয়েই যেন হার না হয়, সদা বিজয়ী। যদি চলতে - ফিরতে কখনো হেরে যাও তাহলে তার কারণ হলো মর্যাদার উপর - নীচ হওয়া। কিন্তু এই সঙ্গম যুগ হলো মর্যাদা পুরুষোত্তম হওয়ার যুগ। পুরুষও নয়, নারীও নয় কিন্তু পুরুষোত্তম, এই স্মৃতিতে সর্বদা থাকলেই উড়তি কলায় যেতে থাকবে, নীচে আটকে থাকবে না। উড়তি কলায় যারা থাকে তারা সেকেন্ডেই সর্ব সমস্যাকে পার করতে পারে।

স্লোগান :- এক বাবার শ্রেষ্ঠ সঙ্গে থাকলে দ্বিতীয় কোনো সঙ্গ প্রভাব ফেলতে পারবে না।